

اقتصادنا

نومبر ۲۶

پنجشنبہ

۱۲ مارچ ۱۳۲۴

اقامتگاه حقننده بعض مطالعات و آرای مؤلفین

احکام نظامیه ده اولدینی کبی احکام شرعیه ده دخی هردعوی نک مدعی علیه حکم منده رؤیت اولغسی قاعده اساسیه سی موجوددر . بونک نتیجه سی اوله رق صلاحیت محایه قواین حاضره درجه منده احکام شرعیه ده دخی زیاده سیله اهمیت ویرلمشدر .

برنجی جلد دستورده مندرج بالعموم محاکم شرعیه حنننده کی نظامنامه ده محاکم شرعیه نک صلاحیتی و دائره قضا و حکومتلرینک بودرجه دقت اعتنا ایله تعیینی بونکا برهاندر اقامتگاه تعبیر مخصوصنه تصادف ایلمه سی بونک عکسکی اثبات ایلمه من . اعتبار مقاصد و معانی به اولوب الفاظ و مبانی به دکلددر . فی ۴ جمادی الاول سنه ۱۲۹۶ ده نشر اولان بالاینه مضمونیه عمل و حکم جائز اوله بیله جک صورنده سندات شرعیه نک تنظیمنه دائر تعلیماتک دردنجی بندنده ضبط کاتبی طرفندن طرفینک افاده لرینی و ابراز ایلمه جک لری اوراق و سندات کی کمال مرتبه دفته استماع و قید ایتمکدن صکره اسم و شهرت و محل اقامت لرینی ضبط و تحریر ایلمه جک لرددر ، دیه مذکوردر اصول محاکمه حقوقیه قانوننک نشرندن اقدام بزده اقامتگاهک لزوم و اهمیتی حکام شرعیه جه نظر دفته آلدینی شبهه کتورمنز . مجله جلدیه نک کتاب القضاء سنک ۱۸۳۴ نجی ماده سنده دنیلورکه « مدعی علیه محاکمه یه کلکدن و وکیل کوندرمکدن امتناع ایدوب جلب و احضاری قابل اولدینی تقدیرده مدعینک طلبیه محکمه یه مخصوص ورقه دعوتیه آیری آیری کونلرده اوچ دفعه کونده ریله رک محکمه یه دعوت اولنور » بوماده دکی « کندویه » تعبیرینی تفسیر ایتک اقضا ایدرایسه « اقامتگاه » دیمک ایجاب ایدر . فی الحقیقه بوماده موجبنه مدعی علیه احضار ایدیه ممشی یعنی بولنوب محکمه یه کتوریه ممشی اولد یغندن اووقت ورقه دعوتیه فصل کندوسنه کوندریلور . کندوسی بولنه حق اولورسه جبراً کتوریلور دیمک که واضع قانونک مقصدی اقامتگاهنه تبلیغدر .

کذلک ۱۸۳۵ نجی ماده ده « حکم غیابی مدعی علیه تبلیغ اولنور » دنیلورکه

بونده دخی حکم غایبک صورت تبلیخی دعوتیه ورقه نیک صورت تبلیغیه نیک
عینی در .

اسول محاکمه حقوقیه قانونیک ۱۴۴ نجی ماده سی مجله نیک ۱۸۳۴ نجی
ماده نیک احکامنه توفیقاً تنظیم ایدلشددر .

کذا شاهدلرک امر تذکیرلری اجرا ایدیله بیلیمک ایچون اقامتگاهلری معلوم
اولمی لارم کلورکه داخل اولدقلری مجله ائمّه و مختارانسه مستوره دنیلان ورقه
خطاب و تسعیر ایدیله بیلسون و شهودک معذرتی اولدیفنی وقت مجله کوندربله رک
معرفت نائبله استماع ایدیلوب افاده سی آله بیلسون .

محاکم شرعیه به تقدیم اولنان استدعالرده مدعی علیک اسم و شهرت و صفت
و کیمک اوغلی و حنفیدی اولدیفنی صراحت مطلقه ایله تعیین ایدیلدیکی کبی اقامتگاهلی
نروده اولدیفنی دخی درج اولنور بوندن بشقه مدعی و مدعی علیک ادعا و مدافعه
لرینی و یا شخصلرینه شهادت ایدله جک معرفلرک صفت و اقامتگاهلری صراحت
ممکنه ایله تعیین ایدلمک ایجاب ایدر .

محاکم شرعیه دن اصدار واعطا اولنان جمیع اعلاماتده دخی اسامیسی مذکور
اولان اشخاصک محل اقامتلیرینک تعیینه زیاده سیله دقت و اعتنا اولنور .

بالعموم محاکم شرعیه نظام نامه نیک ۲۱ نجی ماده سیله مواد نالیسی موجبجه
برکسه وفات ایدوب ترکسی موجب تحریر اولنجه قننی دائرة حکومت شرعیه سی
داخلنده ایسه متوفانک ترکسی انجق او حکومت شرعیه معرفتیه تحریر اولنور
و بین الورنه تقسیم اولنور .

برحکومت شرعیه، دائره سی داخلنده اولیان برترکینی تحریر ایتکدن قانوناً
ممنوعدر بناء علیه دائرة حکومتی و قضایی داخلنده اولیان برترک تحریر اولنق
اوزره برحکمه شرعیه استدعا تقدیم اولنسه محکمه تدقیق ایدوب دائره صلاحیتی
خارجنده اولدیفنی کورور ایسه رد ایدر. رد ایتیموب تحریر ایدر ایسه کان لم یکن
اولوب عندالتیمیز والاستیناف نقض اولنور .

مجله نیک ۱۸۰۳ نجی ماده سی «متعدد حاکمی ارلان بلدهده حضمیندن بریسی

بر حاکم دیگری او بر حاکم اوزرنده مرافعه اولمق ایستوبده بوجهله
 بیلرنده اختلاف واقع اولسه مدعی علیهک اختیار ایلدیکی حاکم ترجیح اولنوره دیو
 ذکر ایتمهک مدعی علیهک تابع اولدینی اقامتگاه محاکمه سنک اساسی تأیید ایدر.
 قوانین نظامیه موجوده تدوین اولنارندن اقدم مجله جمعیتک و بوکا اساس
 اولان فقها و علمای شرعیه نک اهمیتک تسلیم ایلدکاری اقامتگاه حقنده معلومات
 و تفصیلات لازمه یی بوجه زیر اعطا ایده جکر .

(مقدمه)

— معلومات عمومی —

اقامتگاه کلمه سنک معنای لغویسی انسانک اقامت ایتدیکی ، ساکن اولدینی
 محلدر . بین العوام خانه و مسکن تعیرلریله مترادفدر . معنای اصطلاح و قانونیسی
 «بر شخصک قانون نظرنده حقوق و وظائفک اجرا و تطبیق ایچون بولندینی فرض
 اولنان محلدر» تعریف مذکوره کوره (اقامتگاه) مجرد و نظری برشیدر . بوکا
 دلالت ایتک اوزره فرانسه قودسیویلنک ۱۰۲ نجی ماده سنده دنیورکه بر شخصک
 اقامتگاهی الک مهم مؤسسه سنک بولندینی محلددر» و کذا قانونیون اقامتگاهی تعریف
 ایتک ایچون دیرلرکه «برکسه نک حقوقک جریان ایتدیکی محل ایله اوکسه بیننده
 موجود اولان مناسبت قانونیه نتیجه سیدر» تطبیقانده اقامتگاه برکسه نک معاملاتک
 مقری و منافعتک مرکزی اولمق اوزره اتخاذ ایتدیکی محلددر» فقط اقامتگاهی
 سکنا ایله قارشیدر ماملیدر . چونکه سکنا بر فعلدر . اقامتگاه ایسه بر تصور عقلی
 اولوب فعلاً اقامت اولسه بیله ینه موجوددر . اقامتگاه حق معناسندهدر . تبعه
 اجزیه بر دولت ملککنده اقامتگاه حقنه مالک دکلدر . دینلیدیکی وقت بو معناده
 استعمال ایدیور . بولفظک مدلولی قصد ایدیور .

§ برکسه نک حقوق سیاسی-نه مقابل حقوق مدنیه و عادیه سنک جاری اولدینی
 محل وارددرکه اقامتگاه سیاسیدن بسبتون فرقلی اولان (اقامتگاه مدنیسی) در .
 اقامتگاه سیاسی و مدنیسی اولان کیسه نک برده ایریجه (اقامتگاه عسکریسی)

اوله بیلور. بوده قرعه نظامنامه سیله معیندر. بو خصوصک اهمیت بزجه عظیمدر. تبعه عثمانیه دن برکسه نك اقامتگاه مدنی و سیاسی استانبولده اولدینی حالده یعنی درسمعادنده عائله سی بولنوب مأمور اولسه بیله ولایات عثمانیه دن برنده تولد ایتیش اولمغله قرعه نظامنامه سنه تبعاً اوولایت افرادی کبی قرعه یه داخل اولور. بناء علیه اوکسه نك اقامتگاه عسکری سی قرعه سی اجرا ایلدیکي محلدرد. § کذلک میری اورمانلردن مجاناً اختطاب ایتک ایچون قواعد مخصوصه موضوعدر. معلومدرکه ممالک عثمانیه ده اورمانلرک اداره سنه متعلق ۱۱ سوال سنه ۱۲۸۶ سنه سنده نشر اولنان نظامنامه موجبجه هیج کسه میری اورمانلردن اختطاب ایده مز. نظامنامه مذکورک بشنجی ماده سی بالکر اهالی قری حقنده بعض احکام استثنایه وضع ایلمشدر. شوبله که ماده مزبوره موجبجه (کویلیرلر خانه وانبار و اغیل کبی ایدیلری مجدداً انشاویا تعمیر و آرابه و سائر ادواتی اعمال ایتک و احتیاجات بیتیه سی ایچون و قریبه سنده کور و اودور المق ایچون اورمانلردن مجاناً کراسته قطع ایده بیلورلر) فقط بومساعده انجق اول قوری وبالطه لغک تخصیص اولدینی قریبه ده اقامتگاهی اولان کسه لره شاملدر. [۱] یعنی اورماندن اختطاب ایده بیلیمک ایچون دخی اقامتگاه نظر اعتباره آلتق لازمدر. یوقسه کیف مایشا هرکس ایدتدیکي اورماندن اختطاب ایده مز.

§ جزا قانوننامه هایونی اقامتگاهک مصونیتنی کوزهدرک بعض منہیات وضع ایلمشدر. شوبله که قانون مذکورک ۱۰۵ نجی ماده سی دییورکه (هر بر «مأمور قوانین ملیکه و عسکریه و مؤسس اولان ضبطیه نظاماتنک جواز ویردیکي خصوصانندن غیری احوالده و قوانین و نظامانک تمین ایتدیکي اصولدن بشقه اوله رق مأموریتی صفتیله برکسه نك خانمنه جبراً کیرسه «القی آیدن اوچ سنه یه قدر حبس اولنور. و بونی آمرینک امریله یا ایتیش «اولدینی تحقق ایدرسه آمر حقنده اجرا اولنور) اشبو قاعده نظامات خیریله

[۱] اراضی قانوننامه هایوننک ۹۱ نجی ماده سنک حکمی بومالده در.

ماده مذکوره ایله ۱۰ ربیع الال سنه ۱۲۹۳ تاریخلی ذیلنه مراجعت اولنه.

دنبری ممالك عثمانیه ده جاریدر .

قانون اساسیمزك يكرمی آلتنجی ماده سی حکمنجه دخی « ممالك عثمانیه ده هر کسك مسکن و منزلی تعرضدن مصوندر . قانونك تعیین ایتدیکی احوال دن ماعدا بر سبيله حكومت طرفدن جبراً هیچ کسه نك مسکن و منزله کیريله مز . » قانون اقامتگاه و مسکن لفظنك معنا سی ده ۷ سفر سنه ۱۲۸۴ تاریخيله نشر اولنان قرار بانه مقدمه نده کی « اقامت اولنان خانه و مشتملاتی یعنی مطبخ و آخور و امثاليله حولی و باغچه و سائر اطرافی چور یلمش و خانه یه متصل اولان محللرك مسکن عد اولنه جنی عبارتله سیله توضیح و تبیین ایلمشدر . [۱]

§ اقامتگاهسز اولان کسه لر سرسری عد اولنه رق حقلرنده تدابیر قانونیه و نظامیه اتخار اولنور . فی ۶ ایلول ۳۰۶ تاریخی نظامنامه بك برنجی ماده سنده دائمی اقامتگاهی اولمانلرك سرسری مظنه سؤ طاقندن اولدینی تصریح اولنور .

قانونك اقامتگاه صاحب لرینه بخش ایتدیکی مساعده و امتیازاتی سرسریلره یعنی اقامتگاهسز اولانلره دریغ ایتمشدر . از جمله اصول محاکمات جزائییه قانونك ۱۰۸ نجی ماده سنك قرائتندن اکلایشیلور که فاعل جرم اقامتگاه صاحبی ایه « استطافدن بش کون صوکره موقه تخلیه سیلی بحق اجرا اولنور » یعنی اقامتگاه صاحبی اولمق نظر قانونده مهم بر تأمینات تشکیل ایدر .

جهت حقوقیه ده ایکی نوع اقامتگاه واردر . (۱) [عمومی اقامتگاه] درکه بوکا حادی ، حقیقی دخی دیرلر . (۲) [اقامتگاه خصوصی] در .

§ اقامتگاه عمومی . - صفتنك دلالت ایتدیکی وجهله بعض قوانین مدنییه ایله تعیین اولنان و محاکم حقوقیه نك روایت ایلدیکی حقوق و وظائفك جمله سنه اساس اولان اقامتگاه درکه انسانك حازر اولدینی حقوقه کوره اقامتگاه قانونیسیدر . بونوع اقامتگاهه (حقوق عمومییه اقامتگاهی) اطلاق ایدیله بیسلیدیکی کی منتخب اقامتگاهه

[۱] بو بابده معلم عالی قدر عطفوتسلو حق بك افندی حضرتلرینك حقوق اداره کتانبده معلومات مجله اولدیغندن اوکا مراجعت ایدیله بیلور .

مقابل اوله رق (اقامتگاه حقیقی) دخی دنیله بیلور . (منتخب اقامتگاه)
 خصوصی اقامتگاه دیگر صورتله تسمیه سیدرکه انتخاب ایدن کسه بویه اقامتگاهده
 فعلاً بولندینی جهتله علی الاکثر نظریدر . بوکا : (اقامتگاه اعتباری) دخی دیرلر .
 § (اقامتگاه اعتباری ، منتخب) ی تعریف ایتمک ایجاب ایتسه شویه
 دیرز « دائمی اولماق اوزره بعض معاملات واموره متعلق اوله رق منتخب و او
 امور و معاملاتک ختامنه قدر معتبر اولان اقامتگاهدر . عمومی تعییرینه مقابل
 اوله رق (اقامتگاه استثنائی) دخی دنیله بیلور .

فصل اول

(عمومی اقامتگاه)

— تعریفات و معلومات تاریخیه —

§ اقامتگاهک تعینی مسئله سی یکی اولیوب ازمئه مقدمه ده دخی بومشله ایله
 اشتغال ایدلمشدر . یونان قدیمده قانونی اقامتگاهک تعینی ایچون ایکی طریق
 واردی . (۱) بمضاً برعائله ، برعشیرتک افرادی مجتمعاً برقطعه معینهده ساکن
 اولوردی . (۲) بمضاً برعشیرتک افرادی بربرده مجتمعاً یشامیوب یونانستانک سائر
 شهرلرنده متفرقاً افرادی ساکن اولوردی . بویه عشیرتک اقسامی (دیموس ،
 قوم) و سائر اسملرله یاد ایدیلوردی .

آتنه لی اولاد ، پدرلرینک مذهبوب بولندقلری (دیموس) ک افرادندن
 معدود اولوردی . واشبو دیموسک دفاترنده قید اولنوب قیده مذکورله اوکسه نک
 حال وصف قانونیه سی و تابعیتی تعین ایدلدیکی کبی خدمت عسکریه و بعضاً مساند
 روحانییه تعین ایچون اساس طویرلوردی . بعض عقود و معاملاتک اقامتگاهی
 و تحریر نفوس اولندینی برده ایدی مع مافیہ معاملات سائر و خصوصیه
 معاملات عدلیه حقنده و مثلاً : محکمه یه جلب و دعوت ایچون اساس اتخاذ ایدیلان
 اقامتگاه قید اولندینی محل اولیوب بلکه ساکن و مقیم اولدینی محل ایدی .

§ روما قانوننده ایکی نوع اقامتگاه واردر . برنجیمی (برشخص بربلده

افرادندن یعنی اوبلدهنك شهريسي (Citoyen) اولور بوده او بلدهده تولد ايتمهكاه حاصل اولوردی . وياحكام بلديهنكواك بيوكمامورك اذن وموافقيته وحكم لحوقندنصكره بر شهرك افرادي ميانه داخل اولمقدرد . بو صورته بر كسه روما ايمپراطورلغلك بر جوق شهرلری اهاليسندن اوله بيلديكي كبي او شهرلرده مأؤريت وحاكيت وسار وظيفه عموميه ايفا ايدوبيلوردی .

(ايتكنجيسي) اوزون مدت بريره اقامت وسكنا ايله حاصل اولوردی . سكنا ايله حاصل اولان (شهرحق) droit de cité اقامتگاه تولدينك اهميتي اسقاط ايتزدی . یعنی هم تولدی اقامتگاه وحمده سكنا ايله حاصل اولان اقامتگاه مثبت اولوردی . روما قانونجه اقامتگاهي تعريف ايتك احجاب ايتسه شويله درز . «بركيسه نك بر معناد اقامت ومصالحنك مركزي اولق اوزره اتخاذ ايتديكي محلدرد . § حقوق حاضرده اولديني كبي روما قانوننده دخي اقامتگاه ومسكن بر برينه قاريشديرلمايليدر . اقامتگاه وسكنا كيفيتي نقدرد مدت دوام ايدرسه ايتسون اكاهيچ بر اثر قانوني رتب ايتمز . بركيسه سياحت ايدركن موقه ومسافره بولنديني بر شهر اقامتگاهي اولمديني كبي اورانه برخانه صاون آلمسي دخي اوراسنك اقامتگاهي اوله جفنه حكم ايدلك ايچون كافي دكلدر .

تحصيل مقصديله بر شهرده اقامت ايدن كسه لرك اقامتگاهي تحصيل ايتدككري محلدده دكلدی . آخجق بر محلدده اون سنه اقامت ايتدكدنصكره اوراسي اقامتگاهي ازلديفنه واوراده استقرار ايتديكنه حكم اولنوردی . روما قانوني اقامتگاهك انتخاب واتخاذي ايچون افراده سربستق تام طائمشدر . مثلا بركيسه وفات ايدركن (فلان كيمسه يه فلان بلدهده اختيار اقامت شرطيله بوقدر ياره وصيت ايتدم) ديسه وصيت معتبر اولوب شرط باطل كان لم يكن حكمنده ایدی .

مأمورين دولت وعسكرك اقامتگاهي محل مأموريتلری ایدی . نفی جزاسيله مجازات اولانلرك اقامتگاهي منفالرنده ، زوجسه منكو حنهك اقامتگاهي زوجنك اقامتگاهنده ، اولاد مشروعه نك اقامتگاهي حبن تولدلرنده پدرلرينك اقامتگاهنده ایدی . مع مافيه بعدالبوغ اولاد بوقانوناً معين اولان اقامتگاهدن غیری بشقه

بر اقامتگاه اختیار ایده بی‌لوردی . آزاد ایدیلان کوله‌نک اقامتگاهی معتقینک اقامتگاهی بولندینی محلدی . فقط صکره‌دن تبدیل اقامتگاه ایتک صلاحیتی حاز ایدی . روما قانوننده یالکز بر حالدی بر شخص اقامتگاهسز اولوردی . بحراً سیاحت انساننده بر شهر اهالیسندن بری بلده افرادندن اولمسنه کوره بر کیسه‌سهنک وظائف و تکالیفی تعیین اولنوردی . و او شهر و بلدینک حکام و محاکمه تابع ایدی . بوندن تولد ایده بیله جک اختلافاتک حلی قطعات مملکتک الک بیوک مأمور لرینه یعنی غوور نورلره (والی) عائد ایدی .

روما قانونی اورویا دول متممده سی قوانینک اساسی اولدیغندن اقامتگاهک تعریف و احکام قانونیه سی همان بر برینه یقین در . روما قانوننده هر کسک اختیار اقامتگاه اقتداری بر کال و آنحق مجبورین بو حقدن محروم ایدی . تبدل اقامتگاه فعل ایله نیتک اجتماعیه حاصل اولوردی . بر کیسه‌نک متعدد اقامتگاهی اولوب اوله میه جفی مسئله سی بر وقت روما قانونشناسانی خیلی اشغال ایلمشدر . فقط یوقاریده کورلدیکی کی متعدد اقامتگاه اوله بیامسنه اتفاق ایدلی .

کذلک بویه مختلف فیہ مسائلدن بریده اقامتگاهسز بر شخصک تصویری ممکنیدر ؟ دکلیر ؟ مسئله سی اولمشیدی . موالفیندن بری یالکز بحراً سیاحت ایدن کیسه موقه اقامتگاهسز عد ایدلیکی حقنده بیان رأی ایلمشدر .

کوریمجه بدایت محکمه سی اعضاسندن

بنیامین فرید

تکامل نسوان

قادینلرک جمعیت بشریه حاز بولندقلری موقعک ، رجال اوزرنده اجرا ایلدکلی تأثیرانک اهمیت و وسعتی مقالات سالفده کی مشروحات ایله درجه کافیه ده تعیین ایلمشدر . عینی مشروحات قادینلرک تربیه سنه فرنکارجه نه قدر اهمیت ویرلدیکی ده مرتبه بداهته ایصال ایتکده در . کال هجرانله اعتراف ایتلی بزکه بز، ترکله ، بو خصوصده دخی غربدن پک کیرو قالدق . قادینلری کاد